



## FOSSLÆKUR Í HRUNAMANNAHREPPI

**Deiliskipulag fjallasels**

**24.02.2020**



---

VERK: 2775-018 UNNIÐ: IS/ÁJ

## **Samþykktir**

Deiliskipulag þetta, sem kynnt og auglýst hefur verið samkvæmt 40. og 41. gr. skipulagslaga nr. 123/2010, með síðari breytingum, var samþykkt af sveitarstjórn Hrunamannahrepps \_\_\_\_\_

f.h. Hrunamannahrepps

---

Deiliskipulagstillagan var auglýst frá \_\_\_\_\_ með athugasemdafresti til \_\_\_\_\_

Auglýsing um gildistöku deiliskipulagsins var birt í B-deild Stjórnartíðinda þann \_\_\_\_\_

## **EFNISYFIRLIT**

<b>1</b>	<b>INNGANGUR</b>	<b>5</b>
<b>1.1</b>	<b>Markmið</b>	<b>5</b>
<b>1.2</b>	<b>Skipulagsgögn</b>	<b>5</b>
<b>2</b>	<b>FORSENDUR</b>	<b>5</b>
<b>2.1</b>	<b>Tengsl við aðrar áætlanir og fyrirliggjandi stefna</b>	<b>6</b>
2.1.1	Landsskipulagsstefna 2015-2026	6
2.1.2	Aðalskipulag Hrunamannahrepps 2016-2032	7
2.1.3	Deiliskipulag	10
2.1.4	Bjóðlenda	10
2.1.5	Fornminjar	10
2.1.6	Ferðamenn/ferðajónusta	10
2.1.7	Velferð til framtíðar - Sjálfbær þróun í íslensku samfélagi.	11
<b>3</b>	<b>DEILISKIPULAG</b>	<b>12</b>
<b>3.1</b>	<b>Lóðir og byggingarskilmálar</b>	<b>12</b>
<b>3.2</b>	<b>Samgöngur</b>	<b>12</b>
<b>3.3</b>	<b>Veitur</b>	<b>12</b>
3.3.1	Vatnsból	12
3.3.2	Fráveita	12
3.3.3	Rafmagn	13
<b>3.4</b>	<b>Regnvatn</b>	<b>13</b>
<b>3.5</b>	<b>Sorp</b>	<b>13</b>
<b>3.6</b>	<b>Efnistökusvæði</b>	<b>13</b>
<b>4</b>	<b>ALMENNIR BYGGINGARSKILMÁLAR</b>	<b>13</b>
<b>4.1</b>	<b>Hönnun og uppdrættir</b>	<b>13</b>
<b>4.2</b>	<b>Mæliblöð</b>	<b>13</b>
<b>4.3</b>	<b>Frágangur lóða og umgengni</b>	<b>14</b>
<b>5</b>	<b>UMHVERFISÁHRIF</b>	<b>14</b>
<b>5.1</b>	<b>Matsspurningar og viðmið</b>	<b>14</b>
<b>5.2</b>	<b>Valkostir</b>	<b>15</b>
5.2.1	Niðurstaða	16
<b>6</b>	<b>SAMRÁÐ OG KYNNING</b>	<b>17</b>

## 1 INNGANGUR

Hrunamannahreppur vinnur að gerð deiliskipulags fyrir 10 fjallaskála. Hér er sett fram deiliskipulag fyrir fjallaselið Fosslæk á Hrunamannafrétti. Afstaða svæðanna til hvers annars er sýnd á mynd 2. Í Fosslæk er leitarmannahús og geymsla, ásamt hestagerði. Í deiliskipulaginu eru skilgreindar byggingarheimildir fyrir svæðið og afmörkuð um 14 ha lóð. Skipulagssvæðið er um 15 ha að stærð og innan þess er allt að 1 ha afþreyingar- og ferðamannasvæði.

Þá er náma innan skipulagssvæðis, E46, ætluð til nýtingar í vegi ofl. í næsta nágrenni.

Deiliskipulagið er í samræmi við Aðalskipulag Hrunamannahrepps 2016-2032.

### 1.1 Markmið

Deiliskipulaginu er ætlað að setja ramma utan um starfsemi á svæðinu og viðhald hennar til framtíðar og að framkvæmdir séu í samræmi við samþykkt skipulag.

Markmið með gerð deiliskipulags eru eftirfarandi:

- Skilgreina lóðir fyrir mannvirki og afmarka byggingareiti fyrir frekari uppbyggingu.
- Setja byggingarskilmála þar sem m.a. verður kveðið á um samræmt yfirbragð mannvirkja.
- Útbúa lóðablöð fyrir allar lóðir.

Áhersla er á að öll mannvirki, vatnsból og fráveita sé innan lóðar. Mannvirki skulu falla vel að landslagi og ásýnd svæðisins.

### 1.2 Skipulagsgögn

Skipulagsuppdrættir eru unnir á grunni gagna frá Loftmyndum ehf, kortagrunnum IS50v frá LMÍ, auk grunna sveitarfélagsins. Deiliskipulagsgögn eru unnin í hnítakerfinu ISN93. Skipulagsgögn eru eftirfarandi:

- Deiliskipagsuppdráttur í mkv. 1:2.000 ásamt skýringaruppdrætti í mkv. 1:6.000 og hluta úr Aðalskipulagi Hrunamannahrepps 2016-2032 í mkv. 1:100.000.
- Greinargerð þessi með skipulags- og byggingarskilmálum og umhverfisskýrslu.

## 2 FORSENDUR

Skálinn Fosslækur er á bakka Fosslækjar. Landið er í þjóðlendu, Hrunamannafrétti en sveitarfélagið gerir afnota-/leigusamning við Forsætisráðneytið. Aðkoma er af vegslóða sem liggur um Hrunamannafrétt.

Á staðnum er um 64 m<sup>2</sup> hús, byggt árið 2007. Húsið hefur verið notað sem leitarmannahús og fyrir ferðamenn á sumrin, einkum hestahópa. Gisting er fyrir um 22 gesti. Salerni er í húsinu. Á staðnum er

gerði fyrir hesta. Einnig er um 14 m<sup>2</sup> geymsla byggð árið 2009. Vatn er tekið úr læk nokkru norðan við húsið. Starfsemi er aðallega yfir sumartímann. Mannvirki eru í eigu Hrunamannahrepps. Staðurinn er í um 460 m h.y.s.

Svæðið er gróið og skv. vistgerðarkortlagningu Náttúrufræðistofnunar eru þar vistlendin mólendi og graslendi og vistgerðirnar fjallrapamóavist, víðikjarrivist, starungsmýrvistar, víðimóavist og grasengjavist.



**MYND 1.** Skálinn í Fosslæk.

## 2.1 Tengsl við aðrar áætlanir og fyrilliggjandi stefna

### 2.1.1 Landsskipulagsstefna 2015-2026

Skipulag miðhálendis Íslands

„Sveitarfélög á miðhálendinu útfæri landsskipulagsstefnu um verndun víðerna- og náttúrugæða í skipulagsáætlunum sínum. Við skipulagsgerð sveitarfélaga verði þess gætt að mannvirki og umferð um hálandið skerði víðerni og önnur sérkenni og náttúrugæði hálandisins sem minnst. Jafnframt verði kannaðir möguleikar á endurheimt víðerna og náttúrugæða. Til grundvallar stefnumörkun verði lögð kortlagning á umfangi víðerna, vistgerðakort Náttúrufræðistofnunar Íslands og svæði sem njóta verndar vegna náttúrfars. Á svæðum sem flokkast sem víðerni verði svigrúm fyrir takmarkaða mannvirkjagerð, svo sem gönguskála, vegslóða og göngu- og reiðleiðir. Umfangsmeiri mannvirkjagerð verði beint að stöðum sem rýra ekki víðerni hálandisins. Uppbygging ferðamannaðstöðu verði takmörkuð á miðhálendinu og megináhersla lögð á uppbyggingu á jaðarsvæðum hálandisins og á nokkrum afmörkuðum svæðum við aðalvegi hálandisins. Gengið verði út frá eftifarandi flokkun og staðsetningu þjónustustaða:

- Jaðarmiðstöðvar séu á tilteknum stöðum við meginleiðir inn á hálandið og í jaðri þess.
- Hálendismiðstöðvar séu á tilteknum stöðum við meginleiðir um hálandið.
- Skálasvæði séu á tilteknum stöðum í góðu vegasambandi.
- Fjallasel séu í takmörkuðu vegasambandi og taki mið af hæfilegum dagleiðum göngufólks.

Við skipulagsgerð sveitarfélaga verði jafnframt leitað jafnvægis varðandi aðgengi að áhugaverðum stöðum með mismunandi ferðamátum þannig að ferðafólkí á vélknúnum farartækjum sé tryggður aðgangur að fjölbreyttum svæðum en jafnframt verði tryggð kyrrlát svæði án umferðar vélknúinna farartækja. Ferðamannaleiðir (gönguleiðir, reiðleiðir og reiðhjólaleiðir) verði eftir því sem kostur er aðskildar frá meginvegakerfi miðhálendisins“.

## 2.1.2 Aðalskipulag Hrunamannahrepps 2016-2032

Í aðalskipulagi er skálinn á afþreyingar- og ferðamannasvæði á hálendinu.

### Afþreyingar- og ferðamannsvæði

Eftirfarandi stefna er í gildandi aðalskipulagi:

- „*Stuðlað verði að bættri nýtingu fjallaskála.*
- Við skipulag ferðamannasvæða verði hugað sérstaklega að öryggi ferðamanna ásamt greiðum samgöngum og upplýsingum.
- Leitað verði eftir nýjum tækifærum á sviði ferðabjónustu ásamt því að nýta þau tækifæri sem fyrir eru.*
- Bæta þjónustustig á hálandissvæðum.*
- Unnið verði deiliskipulag og lóðir afmarkaðar, m.a. fyrir skála á hálendinu.*
- Í deiliskipulagi verði skilgreint umfang og eðli ferðamannasvæða.*
- Byggingar geta verið á einni til tveim hæðum.*
- Búið verði í haginn fyrir ferðamenn með gerð bílastæða, göngustíga, upplýsingum, merkingum og eftir atvikum snyrtингum.*

Þjónustustarfsemi í fjallaseljum getur falist í rekstri gistiskála og tjaldsvæðis auk fræðslu og eftirlits.

*Við endurgerð bygginga og gerð nýrra bygginga verður metið hvort halda skuli í núverandi ásýnd og yfirbragð svæðis eða hvort horft verði til breytrar ásýndar, m.a. til að aðlagu mannvirkni betur að umhverfi. Gert er ráð fyrir svigrúmi til að viðhalda núverandi mannvirkjum eða reisa ný í þeirra stað. Gera skal ráð fyrir upplýsinga- og snyrtiaðstöðu og að allt að 50 manns geti gist í húsum á hverjum stað.*

*Æskilegt er að fyllga afþreyingarmöguleikum á hálendinu, m.a. til að ferðamenn dvelji lengur í sveitarfélagini.*

**TAFLA 1.** Umjöllun úr aðalskipulagi um þjónustu og hugsanlega uppbyggingu.

NR.	HEITI	LÝSING	JÖRÐ
AF2	Fosslækur	<b>Fjallasel</b> - Áningarstaður á göngu- og reiðleiðum. Tjaldsvæði. Gistirum allt að 50. Stærð svæðis er um 2 ha.	Afréttur

### Verndarsvæði og minjar

Eftirfarandi stefna er í aðalskipulagi um verndarsvæði og minjar:

- „*Stuðlað verði að verndun lands og góðri umgengi.*
- Stuðla skal að verndun náttúruminja samhliða því að fólk verði gert kleift að njóta þessara verðmæta.*
- Stuðlað verði að frekari verndun náttúruminja í samvinnu við Umhverfisstofnun.*
- Skilgreina viðkvæm svæði og tryggja að álag vegna landnýtingar og átroðnings verði undir polymörkum.*

- Skilgreina þarf helstu náttúrufyrirbæri til að stuðla að verndun þeirra.
- Stuðlað verði að endurheimt landgæða.
- Stuðlað verði að því að viðhalda víðernum á hálendinu.
- Mannvirkjagerð leiði til eins lítilnar röskunar og kostur er, sérstaklega á hálendi”.

### Efnistökusvæði


Eftirfarandi stefna er í aðalskipulagi um efnistökusvæði:

- „Lögð er áhersla á nægt framboð efnistökusvæða.
- Efnistaka fari að jafnaði ekki fram á svæðum sem hafa sérstakt verndargildi.
- Áhersla verði á góða umgengni á nýtingartíma og góðan frágang.
- Við veitingu framkvæmdaleyfis verði sett skilyrði um skipulega nýtingu, góða umgengni og frágang að vinnslu lokinni“.

Efnistökusvæði					
Nr.	Heiti	Lýsing	Magn m <sup>3</sup> (allt að ... )	Stærð m <sup>2</sup> (allt að ..)	Jörð
E46	Fosslækur	Malarnáma	5000	5000	Hrunamannafr

### Samræmi tillögu við landsskipulagsstefnu og aðalskipulag

Fosslækur er skilgreindur sem fjallasel í aðalskipulagi. Með uppbryggingunni er einkum stuðlað að hæfilegri dagleið hestamanna. Heimiluð er gisting fyrir 50 manns á um 1 ha afþreyingar- og ferðamannasvæði. Vegslóði er að staðnum svo möguleiki sé að flytja farangur fyrir hópa. Með uppbryggingunni er einkum reiknað með að göngu- og hestahópum fjölgj.



**MYND 2.** Hluti af Aðalskipulagi Hrunamannahrepps 2016-2030. Fjallaskálar eru innan bláu hringjanna. Fosslækur er innan rauða hringsins.

### **2.1.3 Deiliskipulag**

Ekkert deiliskipulag er í gildi fyrir svæðið.

### **2.1.4 Þjóðlenda**

Stór hluti hálandis í Hrunamannahreppi er þjóðlenda. Þjóðlendur eru landsvæði þar sem íslenska ríkið er eigandi lands og hvers konar landsréttinda og hlunninda sem ekki eru háð einkaeignarrétti. Um þjóðlendur gilda lög nr. 58/1998 um þjóðlendur og ákvörðun marka eignarlanda, þjóðlendna og afréttu. Forsætisráðherra fer með málefni þjóðlendna. Ráðherra til aðstoðar við stjórn og ráðstöfun réttinda innan þjóðlendna er samstarfsnefnd um málefni þjóðlendna. Samkvæmt 3. gr. laganna má enginn hafa afnot af þjóðlendu fyrir sjálfan sig, þar með talið að reisa þar mannvirki, gera jarðrask, nýta hlunnindi, vatns- og jarðhitaréttindi án leyfis. Til að nýta land og landsréttindi innan þjóðlendu þarf leyfi hlutað-eigandi sveitarstjórnar sem og forsætisráðuneytisins sé nýting heimiluð til lengri tíma en eins árs. Ef um er að ræða nýtingu vatns- og jarðhitaréttinda, námur og önnur jarðefni innan þjóðlendu þarf leyfi forsætisráðherra nema mælt sé fyrir um annað í lögum.

Einstaklingar, sveitarfélög eða aðrir lögaðilar geta átt svokölluð takmörkuð eignarréttindi innan þjóðlendna. Þjóðlendulög raska ekki slíkum réttindum. Samkvæmt 5. gr. laganna skulu þeir sem hafa nýtt land innan þjóðlendna sem afrétt fyrir búfénað, eða haft þar önnur hefðbundin not sem afréttareign fylgja, halda þeim rétti í samræmi við ákvæði laga þar um. Afréttur er skv. 1. gr. laganna landsvæði utan byggðar sem að staðaldri hefur verið notað til sumarbeitar fyrir búfé. Hið sama gildir um önnur réttindi sem menn færa sönnur á að þeir eigi.

### **2.1.5 Fornminjar**

Aðalskráningu fornminja hefur ekki farið fram á Hrunamannafrétti. Finnist áður ókunnar minjar ber að tilkynna fundinn til Minjastofnunar Íslands svo fljótt sem auðið er skv. 24. gr. laga um menningarminjar nr. 80/2012. Óheimilt er að hrófla við minjum án heimildar Minjastofnunar. Engar þekktar minjar eru innan skipulagssvæðisins.

### **2.1.6 Ferðamenn/ferðapjónusta**

Ferðamenn á Hrunamannafrétti eru einkum í hestaferðum eða aka vegslóða á afréttinum. Í Kerlingarfjöllum og nágrenni þeirra er fjölpættari ferðapjónusta, ferðamenn eru í göngu- eða hestaferðum eða akandi og ganga þá einnig um svæðið.

Ferðamálastofa hefur kortlagt „Auðlindir íslenskrar ferðapjónustu“. Í verkefninu voru, með aðstoð heimafólks, kortlagðir staðir þar sem upplifa má staðbundna og einstaka eiginleika í náttúrfari eða menningu. Skráningin gefur vísbindingar um sérkenni svæða sem hugsanlega má nýta<sup>1</sup>. Þeir staðir sem

---

<sup>1</sup> (Ferðamálastofa 2015).

eru í nágrenni skálans eru eftirtaldir: Búðarárfoss í Búðará, Kerlingargljúfur, nokkrir jöklar í Kerlingarfjöllum, náttúrulaug þar og Ásgarðsgljúfur.

Þó takmarkaður aðgangur sé af Kjalvegi, yfir á Hrunamannafrétt, sýnir talning þar vel aukna umferð inn á hálendinu. Auk þess er aðkoma að Kerlingarfjöllum af Kjalvegi og þaðan er hægt að aka niður Hrunamannafrétt, beggja vegna Kerlingarfjalla.

**TAFLA 2.** Meðalumferð á Kjalvegi og Kerlingarfjallavegi á dag yfir sumartímann (SDU). Heimild: Vegagerðin.

ÁR	KJALVEGUR MILLI HAGAVATNSVEGAR OG HVÍTÁRNESLEIÐAR (SDU)	KJALVEGUR FRÁ HVÍTÁRNESLEIÐ AÐ KERLINGARFJALLAVEGI (SDU)	KERLINGARFJALLAVEGUR FRÁ KJALVEGI AÐ SKÁLA (SDU)
2018	178	97	50
2017	176	96	49
2016	181	90	46
2015	164	82	42
2014	159	80	41
2013	159	80	41
2012	101	82	42
2011	129	105	54
2010	102	83	43
2005	98	98	31
2000	89	89	28

Undanfarin ár hefur verið seld gisting í nokrum skálum á Hrunamannafrétti og hefur gestum farið fjölgandi, skv. upplýsingum frá rekstraraðilum. Ekki liggja þó fyrir tölur um fjölda gistenáttu.

### 2.1.7 Velferð til framtíðar - Sjálfbær þróun í íslensku samfélagi.

- Kafli 2, Hreint og heilnæmt ferskvatn. Allir íbúar landsins eigi kost á nægu heilnæmu vatni til neyslu og annarra nytja. Mengun í ám og vötnum verði svo lítil að hún hafi ekki áhrif á vistkerfi ferskvatns, fiskgengd eða útvistargildi.
- Kafli 5, Útvist í sátt við náttúruna. Tekið verði tillit til útvistargildis svæða við skipulag og ákvarðanir um landnýtingu.
- Kafli 7, Vernd lífríkis Íslands. Viðhaldið verði fjölbreytileika tegunda og vistgerða.
- Kafli 8, Vernd sérstæðra jarðmyndana. Fjölbreytni jarðmyndana verði varðveisitt með því að vernda þær sem eru sérstakar eða einstakar á svæðis-, lands- eða heimsvisu.
- Kafli 9. Vernd víðerna. Tryggt verði að stór samfelld víðerni verði áfram að finna í óbyggðum Íslands.
- Kafli 13. Minnkun og bætt meðhöndlun úrgangs. Dregið verði úr myndun úrgangs og stuðlað að endurvinnslu.
- Kafli 17. Vernd líffræðilegrar fjölbreytni. Öll nýting náttúrunnar fari fram á sjálfbæran hátt. Við framkvæmdir verði neikvæðum áhrifum á vistkerfi haldið í lágmarki.

## **3 DEILISKIPULAG**

Í deiliskipulaginu er gerð grein fyrir núverandi og nýjum mannvirkjum. Afmörkuð er ein lóð.

### **3.1 Lóðir og byggingarskilmálar**

Afmörkuð er lóð sem kallast Fosslækur. Lóðin er 138.545 m<sup>2</sup>, og verður stofnuð út úr þjóðlendunni Hrunamannafréttur. Innan lóðar er allt að 1 ha afþreyingar- og ferðamannasvæði.

Í Fosslæk er 64 m<sup>2</sup> gistikáli og 14 m<sup>2</sup> geymsla. Núverandi mannvirki eru lágreist og með torfþaki. Einnig er hestagerði, vatnsból og fráveita. Heimilt er að stækka núverandi gistaðstöðu um allt að 100 m<sup>2</sup> og byggja nýtt hús allt að 100 m<sup>2</sup>. Heildar byggingarmagn getur verið 280 m<sup>2</sup>. Gisting getur verið fyrir allt að 50 gesti. Mænishæð getur verið allt að 5,5 m m.v. gólfkóta. Heimilt er að vera með salerni í viðbyggingu/nýjum skála.

Núverandi byggingar standa í um 11 m fjarlægð frá lækjabakkanum og ekki verður byggt nær læknum. Í skipulagsreglugerð kemur fram að ekki skuli byggt nær vötnum, ám eða sjó en 50 m. Fosslækur fellur ekki undir þá skilgreiningu en áfram skal tryggja umferð gangandi fólks með lækjabakkanum.

Byggingarefnri er frjálst en leitast skal við að nota byggingarefnri sem þarfust lítils viðhalds. Gæta skal samræmis í útliti og litavali allra bygginga á staðnum. Mannvirki skulu felld að landi eftir því sem hægt er. Þá skal við framkvæmdir leitast við að hlífa gróðri og lágmarka rask á landi.

Innan lóðarinnar er hólf fyrir hesta. Ekki er heimilt að beita hrossum á svæðinu heldur skal hey flutt úr byggð, af öruggum svæðum m.t.t. sauðfjárveikivarna. Afgangs hey skal notað til uppgræðslu á svæðinu í samráði við Landgræðslufélag Hrunamanna og Landgræðsluna.

### **3.2 Samgöngur**

Aðkoma er af vegslóða sem liggar um Hrunamannafrétt. Bílastæði eru við skálann og eru sýnd á uppdrætti til viðmiðunar. Reiðleið liggar um staðinn og er hún sýnd á uppdrætti.

### **3.3 Veitur**

#### **3.3.1 Vatnsból**

Núverandi vatnsból er sýnt á uppdrætti og er afmarkað vatnsverndarsvæði umhverfis það. Öflun neysluvatns og frágangur vatnsveitu skal vera í samræmi við reglugerð um neysluvatn nr. 536/2001 og reglugerð um varnir gegn mengun vatns nr. 796/1999 m.s.br.

#### **3.3.2 Fráveita**

Núverandi rotþró er sýnd á uppdrætti. Rotþró skal samnýtt fyrir öll mannvirki eftir því sem þarf og við verður komið, auk þess sem tryggja skal gott aðgengi til tæmingar hennar. Frágangur og gerð rotþróa

og frárennslislagna skal vera í samráði við Heilbrigðiseftirlit Suðurlands. Um fráveitu gildir reglugerð um fráveitur og skólp nr. 798/1999, með síðari breytingum.

### 3.3.3 Rafmagn

Sólarsella er á staðnum og er hún notuð til að framleiða rafmagn fyrir lýsingu. Sólarsella getur verið allt að  $100\text{ m}^2$  að stærð. Heimilt er að rafvæða skálann ef rafstregur verður lagður um afréttinn. Heimilt er að afla rafmagns á staðnum með allt að  $4\text{ kV}$  vindrafstöð.

### 3.4 Regnvatn

Bent er á þann kost að veita vatni af húspökum beint niður í jarðveginn. Koma má fyrir malarpúða undir yfirborði, sem getur tekið við yfirborðsvatni í rigningum og leysingum þannig að yfirborðsvatn seytli smám saman út í jarðveginn og niður í grunnvatnið. Notast má við hefðbundnar þakvatnslagnir við að beina vatninu að malarpúðanum.

### 3.5 Sorp

Á staðnum skal vera aðstaða til flokkunar og geymslu sorps. Rúlluplasti skal safnað sér. Sorpi skal ekið til byggða til endurvinnslu. Skipulag sorpmála fer eftir reglum sveitarfélagsins hverju sinni.

### 3.6 Efnistökusvæði

Afmarkað er um  $4.900\text{ m}^2$  efnistökusvæði innan lóðarinnar. Efnistökusvæðið er nr. E46 í aðalskipulagi. Heimilt er að nýta allt að  $5.000\text{ m}^3$  af efni. Við efnistöku skal forðast að raska stærra svæði en þörf krefur. Ganga skal jafn óðum frá námu að efnistöku lokinni og forðast skal að náma standi opin milli þess sem unnið er efni úr henni. Eftir atvikum skal svarðlagi haldið til haga og nýtt til að ganga frá námu til að flýta fyrir gróðurframvindu.

## 4 ALMENNIR BYGGINGARSKILMÁLAR

### 4.1 Hönnun og uppdrættir

Húsagerðir eru frjálsar að öðru leyti en því sem mæliblöð, skilmálar þessir, byggingarreglugerð og aðrar reglugerðir segja til um. Á aðaluppráttum skal sýna skipulag lóðar í aðalatriðum og fyrirkomulag bygginga á lóðinni. Þakform og mænisstefna er frjálst en gæta skal að innbyrðis samræmi.

### 4.2 Mæliblöð

Á mæliblöðum skal sýna stærðir lóða, lóðamörk, byggingareiti húsa og bílastæði. Þá skal sýna skipulag og frágang lóða.

### 4.3 Frágangur lóða og umgengni

Þess skal gætt að spilla ekki eða raska landi að óþörfu. Umgengni skal vera til fyrirmynadar og skal halda svæðinu sem snyrtilegustu. Að framkvæmdum loknum skal aðlaga land að landinu umhverfis og færa í sem upprunalegast horf.

## 5 UMHVERFISÁHRIF

Deiliskipulagið fellur ekki undir lög um umhverfismat áætlana nr. 105/2006, þar sem ekki er mörkuð stefna er varðar leyfisveitingar til framkvæmda sem tilgreindar eru í lögum um mat á umhverfisáhrifum nr. 106/2000.

Við gerð deiliskipulags skal, skv. gr. 5.4. í skipulagsreglugerð nr. 90/2013, meta líkleg áhrif af fyrirhug-uðum framkvæmdum og starfsemi á aðliggjandi svæði og einstaka þætti áætlunarinnar sjálfrar svo sem á vistkerfi, auðlindir, landslag, ásýnd, útsýni, hljóðvist, loftgæði o.fl. umhverfispætti eftir því sem efni skipulagsins gefur tilefni til.

Við mat á umhverfisáhrifum er notast við þá skilgreiningu á vægi áhrifa sem koma fram í leiðbeiningum Skipulagsstofnunar um flokkun umhverfispáttta, viðmið, einkenni og vægi. Þar eru umhverfisáhrif skilgreind sem: „*Samheiti fyrir samfélag, heilbrigði manna, dýr, plöntur, líffræðilega fjölbreytni, jarðveg, jarðmyndanir, vatn, loft, veðurfar, eignir, menningararfleifð, þ.m.t. byggingarsögulegar og fornleifa-fræðilegar minjar, og landslag og samspli þessara þátta*“<sup>2</sup>. Þegar breytingar verða á umhverfinu af mannavöldum er talað um umhverfisáhrif. Matinu er ætlað að upplýsa um möguleg áhrif af stefnu skipulagsins og aðstoða með því við val á heppilegasta kostinum.

**TAFLA 3.** Skilgreining á vægi umhverfisáhrifa.

SKILGREININGAR FYRIR ÁHRIF Á UMHVERFISPÆTTI	
Stefnan hefur jákvæð áhrif.	+
Stefnan hefur óveruleg áhrif.	<>
Stefnan hefur neikvæð áhrif.	-
Stefnan hefur óviss áhrif.	?
Stefnan hefur engin áhrif.	0

### 5.1 Matssurningar og viðmið

Stefna deiliskipulagsins og líkleg áhrif hennar verða metin út frá þáttum í eftirfarandi töflu:

**TAFLA 4.** Umhverfispættir, matssurningar og viðmið.

UMHVERFISPÁTTUR	MATSSURNING	VIÐMIÐ
Jarðmyndanir	Hefur skipulagið áhrif á jarðmyndanir sem njóta verndar eða þykja sérstæðar?	Lög um náttúruvernd nr. 60/2013, áhersla á 61. gr. Landsskipulagsstefna 2015-2026.

<sup>2</sup> (Skipulagsstofnun 2007).

UMHVERFISPÁTTUR	MATSSPURNING	VIÐMIÐ
Gróður og dýralíf	Hefur skipulagið áhrif á gróður og dýralíf?	Lög um náttúruvernd nr. 60/2013, áhersla á 61 og 62. gr. Vistgerðakortlagning Náttúrufræðistofnunar.
Ásýnd og landslag	Hefur skipulagið áhrif á ásýnd svæða? Hefur skipulagið áhrif á landslag? Hefur skipulagið áhrif á víðerni?	Lög um náttúruvernd nr. 60/2013, 69. gr. Landsskipulagsstefna 2015-2026.
Samfélag	Hefur skipulagið áhrif á atvinnu í sveitarfélagini? Hefur skipulagið áhrif á notkun svæða til útvistar?	Velferð til framtíðar – Sjálfbær þróun í íslensku samfélagi. Stefna um landnotkun í aðalskipulagi. Landsskipulagsstefna 2015-2026.
Minjar / Verndarsvæði	Hefur skipulagið áhrif á fornminjar? Hefur skipulagið áhrif á náttúruminjar eða verndarsvæði?	Lög nr. 80/2012 um menningarminjar. Landsskipulagsstefna 2015-2026.
Náttúrvá og öryggi	Er hætta á náttúrvá á svæðinu? Er hætta á mengun af völdum stefnunnar?	Landsskipulagsstefna 2015-2026.

## 5.2 Valkostir

Í umhverfismati áætlana ber að fjalla um svokallaðan núll-kost og bera stefnu skipulagsins saman við hann, eftir því sem við á. Núll kostur „*felur í sér lýsingu á ástandi umhverfisins, eins og búast má við að það þróist ef ekki kemur til framfylgdar áætlunarinnar. Í einhverjum tilfellum getur samanburður við núll-kostinn falist í samanburði við framfylgd gildandi áætlunar*<sup>3</sup>“.

Fyrirhuguð uppbygging er í samræmi við stefnu í aðalskipulagi. Því er uppbygging skv. deiliskipulags-tillögu borin saman við núll kost. Lagt er mat á hvort áhrifin séu talin jákvæð, óveruleg, neikvæð eða óviss.

Eftirfarandi valkostir eru bornir saman:

- **Uppbygging skv. deiliskipulagstillögu.** Heimilt er að stækka núverandi gistiaðstöðu um allt að 100 m<sup>2</sup> og byggja nýtt hús allt að 100 m<sup>2</sup>. Gisting getur verið fyrir allt að 50 gesti.
- **Núll kostur – núverandi staða.** Á svæðinu er 64 m<sup>2</sup> gistiskáli og 14 m<sup>2</sup> geymsla, ásamt hestagerði.

### Samanburður

**Uppbygging skv. deiliskipulagstillögu.** Engar þekktar jarðmyndanir, sem njóta verndar, eru innan skipulagssvæðisins. Uppbygging og öll umferð mun hafa áhrif á gróður og vistgerðir á svæðinu en hafa ber í huga þrátt fyrir hátt verndargildi ákveðinna vistgerða, s.s. grasengjavistar (L9.5) þá er sú vistgerð talin allútbreidd og Starungsmýrarvist (L8.9) er talin mjög útbreidd, en ávallt skal haft í huga að raska gróðurfari sem minnst. Hrossum verður ekki beitt á svæðinu heldur verður hey flutt úr byggð. Áhrif á gróður og dýralíf eru metin óveruleg/neikvæð. Svæðið hefur þegar byggst upp og eru mannvirkir alla jafnan sýnileg að einhverju leyti. Þó fyrirhuguð uppbygging teljist ekki umfangsmikil þá breytir hún alltaf ásýnd svæða. Víðerni á hálendinu hafa ekki verið kortlögð skv. landsskipulagsstefnu. Uppbygging eða umferð í kjölfar hennar er ekki metin það umfangsmikil að hún skerði víðerni. Efnið hefur verið tekið úr efnistökusvæðinu undanfarin ár en ekki hafa verið til skilmálar fyrir efnistökuna eða frágang

<sup>3</sup> (Skipulagsstofnun 2007).

svæðisins. Áhrif á ásýnd og landslag eru metin neikvæð. Frekari uppbygging hefur jákvæð áhrif á atvinnu og eflir möguleika til útvistar, bæði göngu-, hjóla- og hestaferða, auk þess að bæta þjónustu við þá sem fara um svæðið. Áhrif á samfélag eru metin jákvæð. Engar þekktar minjar eru á svæðinu. Ekki er talin hætta á mengun vegna stefnunnar.

**Núll kostur.** Engar þekktar jarðmyndanir, sem njóta verndar, eru innan skipulagssvæðisins. Engin áhrif á gróður og dýralíf. Svæðið hefur þegar byggst upp og eru núverandi mannvirkir sýnileg að einhverju leyti. Efni hefur verið tekið úr efnistökusvæðinu undanfarin ár. Áhrif á ásýnd og landslag eru óveruleg/neikvæð. Núverandi starfsemi skapar atvinnu í sveitarfélagini og fyrir hendi eru möguleikar til útvistar, bæði göngu- og hestaferða. Áhrif á samfélag eru jákvæð. Engin áhrif á minjar og ekki er talin hætta á mengun vegna stefnunnar.

### 5.2.1 Niðurstaða

JARÐ-MYNDANIR	GRÓÐUR OG DÝRALÍF	ÁSÝND OG LANDSLAG	SAMFÉLAG	MINJAR, VERNDARSVÆÐI	NÁTTÚRUVÁ OG ÖRYGGI
Uppbygging skv. deiliskipulagstillögu	0	<>	-	+	0
Núll kostur	0	<>	<>	-	+

Eitt af markmiðum í aðalskipulagi er að unnið verði deiliskipulag og afmarkaðar lóðir fyrir alla skála á hálendinu. Stefna deiliskipulagsins fellur vel að þessum markmiðum.

Gert er ráð fyrir að mannvirkjagerð leiði til eins líttillar röskunar svæðisins og mögulegt er og að land verði lagfært að framkvæmdum loknum og aðlagað að landi umhverfis. Allt hey verður flutt úr byggð svo ekki er um beit hrossa að ræða.

Í samræmi við landsskipulagsstefnu er gert ráð fyrir takmarkaðri mannvirkjagerð og staðurinn er að stærstum hluta að þjónusta þá sem kjósa að fara ríðandi um Hrunamannafrétt.

Með frekari uppbyggingu er líklegt að ferðamönnum á svæðinu fjölg, einkum göngu- og hestamönum. Sveitarfélagið metur það svo að með uppbyggingu ferðaþjónustu á hálendinu sé verið að beina ferðamönnum á ákveðin svæði þar sem þjónustu er að fá og jafnvel upplýsingagjöf. Með því sé stuðlað að betri umgengni um hálendið og vernd viðkvæmari svæða. Fjöldi gesta sem getur gist í hverjum skála takmarkar að einhverju leyti fjölda ferðamanna á svæðinu. Áhrif af fjölgun ferðamanna verða að stórum hluta í næsta nágrenni skálans.

Hægt er að draga úr áhrifum á landslag og ásýnd með því að útlit mannvirkja sé samræmt og litaval sé þannig að þau falli vel að landinu umhverfis.

## 6 SAMRÁÐ OG KYNNING

Haft hefur verið samráð við Forsætisráðuneytið þar sem skálinn er innan þjóðlendu. Einnig hefur verið haft samráð við núverandi rekstraraðila.

Lýsing deiliskipulags var auglýst frá 24. júlí með athugasemdafresti til 14. ágúst 2019. Umsagnir bárust frá Forsætisráðuneytinu, Umhverfisstofnun, Landgræðslunni, Heilbrigðiseftirliti Suðurlands, Vegagerðinni, Landvernd, Náttúrufræðistofnun og Skipulagsstofnun.

Deiliskipulagstillagan var kynnt frá 18. desember 2019 til 8. janúar 2020. Umsagnir bárust frá Forsætisráðuneytinu og Náttúruverndarsamtökum Suðurlands.

Deiliskipulagstillagan verður auglýst skv. 41. gr. skipulagslaga nr. 123/2010 og send til eftirfarandi umsagnaraðila:

Forsætisráðuneytið  
Umhverfisstofnun  
Heilbrigðiseftirlit Suðurlands  
Vegagerðin  
Minjastofnun  
Náttúrufræðistofnun Íslands  
Landgræðslan  
Skipulagsstofnun  
Ferðamálastofa